

ইসলামের চোখে নারী

ড. ইউসুফ আল কারজাভি (রহ.)

ভাষান্তর : ওয়াহিদ আমিম



গার্ডিয়ান

পাবলিকেশনস

সূচিপত্র

পাশ্চাত্য সমাজে নারী	১৫
◈ নারীদের ওপর জুলুমকারী মানুষ দুই শ্রেণির	১৬
◈ একটি মিথ্যা রটনা	১৭
◈ নারী মানেই অকল্যাণ : একটি মিথ্যা	১৮
◈ নারীদের স্বর সতরের অন্তর্গত	১৮
◈ নারীদের ফিতনা	২০
◈ সুফাহা দ্বারা উদ্দেশ্য	২৩
◈ নারীদের ব্যাপারে সাধারণ নীতি	২৬
নারীদের ব্যাপারে ইসলামের দৃষ্টিভঙ্গি	২৮
◈ আদম (আ.)-কে জান্নাত থেকে বের করার দায় কারও	
নারী-পুরুষের একসাথে কাজ করার বিধান	৪০
◈ নারী-পুরুষের যৌথ কাজের বিধান	৫০
◈ নারী-পুরুষের যৌথ আনন্দভ্রমণ	৫৩
◈ নারী পুরুষের যৌথ সফরে পালনীয় শিষ্টাচার	৫৪
◈ নারী-পুরুষের সাক্ষাৎ কখন নিষিদ্ধ	৫৯
◈ নারীদের নাম আওরা নয়	৬০
◈ স্ত্রীর জন্য স্বামীর মেহমানদের খেদমত	৬২
◈ পুরুষের জন্য নারীর এবং নারীর জন্য পুরুষের গুশ্ফা করা	৬৩
◈ মহিলাদের সালাম দেওয়া	৬৭
◈ বিপরীত লিঙ্গের কাউকে সালাম দেওয়ার জন্য শর্তারোপ	৭০
◈ মহিলাদের সালাম দেওয়ার ব্যাপারে সালাফদের অভিমত	৭১
◈ বিপরীত লিঙ্গের সাথে মুসাফাহার বিধান	৭৩
◈ ফিতনা না থাকলে মুসাফাহা জায়েজ	৮১
মহিলাদের পোশাক ও সৌন্দর্য	৮৪
◈ মহিলাদের সৌন্দর্য	৮৪
◈ হাত ও মুখমণ্ডল খোলা রাখার অনুমতির কারণ	৮৬
◈ শরিয়াহ নির্দেশিত পোশাকের বৈশিষ্ট্য	৮৭
◈ যাদের সামনে মহিলাদের সৌন্দর্য প্রকাশ অনুমিত	৮৯
◈ তাবাররুজ বা সৌন্দর্য প্রদর্শনী নিষিদ্ধ	৯১

◈ তাবাররুজ দ্বারা উদ্দেশ্য	৯১
◈ সৌন্দর্য প্রদর্শনের প্রকৃতি	৯২
◈ তাবাররুজ থেকে বেঁচে থাকার উপায়	৯৩
◈ পুরুষের প্রতি নারীর তাকানো	৯৫
◈ চুল গোপন সৌন্দর্য	৯৬
◈ ঘরের বাইরে রং লাগানো নিষিদ্ধ	৯৯
◈ নেল পালিশ লাগানোর বিধান	৯৯
◈ পরচুলা, ট্যাটো ও লোহার দাঁত ব্যবহারের বিধান	১০০
◈ পরচুলা কি শুধুই মাথার আবরণ	১০১
◈ পার্লামেন্টে পুরুষ কর্তৃক নারীকে সাজিয়ে দেওয়ার বিধান	১০৩
◈ অপ্রয়োজনে পাবলিক টয়লেট/গোসলখানায় না যাওয়া	১০৩
নিকাব বিদ্যাত নাকি ওয়াজিব	১০৬
◈ নিকাব পরিধান ওয়াজিব নয়	১১১
◈ হাত-মুখ খোলা রাখা জমহুর ফকিহদের অভিমত	১১২
বিভিন্ন মাজহাবে নিকাব	১১৩
◈ হানাফি মাজহাব	১১৩
◈ মালেকি মাজহাব	১১৪
◈ শাফেয়ি মাজহাব	১১৪
◈ হাম্বলি মাজহাব	১১৫
◈ অন্যান্য মাজহাব	১১৬
◈ হাত ও মুখমণ্ডল খোলা রাখা জায়েজের পক্ষে দলিল	১১৭
◈ যাদের মতে নিকাব ওয়াজিব	১২৮
◈ জমহুরের বক্তব্য অধিক গ্রহণযোগ্য হওয়ার কারণ	১৩৯
◈ জরুরি জ্ঞাতব্য	১৪৩
সামাজিক কাজে নারীর অংশগ্রহণ	১৪৫
◈ হানাফি দেশগুলোতে নারীদের জন্য মসজিদ নিষিদ্ধ	১৫২
◈ নারীদের মসজিদে উপস্থিত হওয়ার দলিল	১৫২
◈ মহিলাদের মসজিদে গমনের অনুমতিসংক্রান্ত কয়েকটি হাদিস	১৫৩
◈ হানাফিদের মতামত	১৫৮
◈ পূর্ববর্তী হানাফি আলিমদের অভিমত	১৫৮
◈ আধুনিক হানাফি আলিমদের অভিমত	১৬১
◈ হানাফিদের বক্তব্য থেকে বোধগম্য	১৬৩
◈ মহিলাদের মসজিদে যেতে উমর (রা.) নিষেধ করেননি	১৬৪

- ◈ মহিলাদের মসজিদে না যাওয়ার ব্যাপারে ইবনে হাজমের বক্তব্য ১৬৪
- ◈ যারা মহিলাদের মসজিদে যাওয়া অনুমোদন করেন না, তাদের জবাব ১৬৫
- ◈ আধুনিক সামাজিক প্রচলনের দাবি নারীদের মসজিদে উপস্থিত হওয়া ১৭২
- ◈ পুরান ফতোয়ার ওপর অটল থাকা প্রচলনবিরোধী ১৭৩
- ◈ এ ব্যাপারে আমার বক্তব্য ১৭৬
- ◈ মহিলাদের মসজিদে যাওয়া মাকরুহ প্রসঙ্গ ১৭৭

দাওয়াহ ও বুদ্ধিবৃত্তির ময়দানে নারীদের পশ্চাৎপদতা ১৮০

- ◈ সমাজ উন্নয়নে নারীদের ভূমিকা ১৮১
- ◈ ইসলামি দাওয়া সম্প্রসারণে নারীর ভূমিকা ও অবদান ১৮২
- ◈ বাড়াবাড়ি ও আলস্যের শ্রোতে নারী ১৮৩
- ◈ নারীর জন্য মধ্যমপস্থা ১৮৪
- ◈ নারীদের অঙ্গনে ইসলামি কাজ কম হওয়ার কারণ ১৮৫
- ◈ নারীদের মাঝে ইসলামি আন্দোলন সাফল্যের উপায় ১৮৬
- ◈ বাড়াবাড়িমূলক চিন্তার অনুপ্রবেশ ১৮৬
- ◈ নারী অঙ্গনে ইসলামি কাজ করার সমস্যা ১৮৮
- ◈ প্রশ্নের জবাব ১৯০

নারীদের কর্মক্ষেত্র ১৯২

- ◈ নারীদের কাজ বৈধ হওয়ার শর্ত ১৯৫

টিভি প্রোথ্রামে নারীদের উপস্থিতি ১৯৭

সংসদ নির্বাচনে নারীদের অংশগ্রহণ

- ◈ হারাম হওয়ার দলিল
- ◈ দুনিয়াবি শোভা-সৌন্দর্যের ব্যাপারে নবিপত্নীগণের অবস্থান
- ◈ নারীদের জন্য প্রাকৃতিক প্রতিবন্ধকতা
- ◈ একটি সন্দেহ ও তার নিরসন
- ◈ সংসদ সদস্যের দায়িত্ব

পাশ্চাত্য সমাজে নারী

আমাদের মুসলিম সমাজে নারীদের ব্যাপারে যতটা বাড়াবাড়ি করা হয়, অন্য কোনো ব্যাপারেই সত্যের সাথে মিথ্যার, ন্যায়ের সাথে অন্যায়ের এতটা বাড়াবাড়ি ও ছাড়াছাড়ির সংমিশ্রণ হয়নি। অথচ বাস্তবে অন্য কোনো দীনে, মানুষের তৈরি ধর্মে, কোনো দর্শন কিংবা আদর্শে নারীকে ততটা মর্যাদা দেওয়া হয়নি, যতটা দিয়েছে ইসলাম।

ইসলাম নারীকে যথাযথ মর্যাদা দিয়েছে, তার সাথে ইনসারফ করেছে, মানুষ হিসেবে নিশ্চিত করেছে তার যাবতীয় সুরক্ষা। নারী হিসেবে করেছে তার পৃষ্ঠপোষকতা। মেয়ে হিসেবে করেছে মূল্যায়ন। স্ত্রী হিসেবে তাকে দিয়েছে পূর্ণ অধিকার। মা হিসেবে তার প্রতিরক্ষার সব ব্যবস্থা করেছে। আর তাকে সমাজের গুরুত্বপূর্ণ অংশ বলে স্বীকার করে নিয়েছে।

একজন পুরুষের মতোই নারীর ওপর পারিবারিক দায়িত্বভার অর্পণ করে ইসলাম তাকে মানুষ হিসেবে মর্যাদা দিয়েছে। পুরুষের মতো প্রতিশ্রুতিও দিয়েছে ভালো-মন্দ প্রতিদানের। এমনকি মানুষকে সর্বপ্রথম যে ঐশী দায়িত্ব দেওয়া হয়েছিল, তাতেও পুরুষের সাথে নারী ছিল সমান অংশীদার। পৃথিবীর প্রথম মানুষ আদম (আ.) ও তাঁর স্ত্রী হাওয়া (আ.)-এর উদ্দেশে আল্লাহ তায়ালা বলেন—

يَا آدَمُ اسْكُنْ أَنْتَ وَزَوْجُكَ الْجَنَّةَ وَكُلَا مِنْهَا رَغَدًا حَيْثُ شِئْتُمَا وَلَا تَقْرَبَا هَذِهِ الشَّجَرَةَ فَتَكُونَا مِنَ الظَّالِمِينَ-

‘হে আদম! তুমি ও তোমার স্ত্রী জান্নাতে বসবাস করো এবং যেখানে যা ইচ্ছে খাও। কিন্তু এই গাছের নিকটেও যেয়ো না। গেলে তোমরা সীমালঙ্ঘনকারীদের মধ্যে শামিল হবে।’^১

নারীদের ওপর জুলুমকারী মানুষ দুই শ্রেণির

সামাজিক ও বুদ্ধিবৃত্তিকভাবে আমরা অধিকাংশ ক্ষেত্রেই হয়তো খুব বাড়াবাড়ি করি কিংবা অতি শিথিল্য দেখাই। মধ্যমপন্থা অবলম্বন করি খুবই কম। অথচ ইসলামি শিষ্টাচার ও মুসলিম উম্মাহর গুরুত্বপূর্ণ বৈশিষ্ট্য হলো—এই মধ্যমপন্থা অবলম্বন। আধুনিক যুগে মুসলিম নারীদের ব্যাপারে মধ্যমপন্থা অবলম্বনের অভাব সবচেয়ে বেশি প্রকট।

সাধারণত দুই শ্রেণির মানুষ নারীদের ওপর বেশি জুলুম করে। যথা :

এক. তারা নারীদের ওপর পাশ্চাত্যের রীতি ও ঐতিহ্য চাপিয়ে দিতে আগ্রহী। অথচ নারী সমাজে বিপর্যয় সৃষ্টি ও মূল্যবোধ নষ্টের অন্যতম প্রধান উপকরণ এটি। এর দ্বারা ধর্মীয় মূল্যবোধের সাথে সাথে তার স্বভাব-প্রকৃতিও বিনষ্ট হয়ে যায়। ফলে সে দূরে সরে যায় সিরাতুল মুস্তাকিম থেকে, যা

^১ সূরা বাকারা : ৩৫

দেখানোর জন্যই আল্লাহ তায়ালা তাঁর রাসূলকে পাঠিয়েছেন। আর অবতীর্ণ করেছেন আসমানি কিতাব।

তারা চায়, মুসলিম নারীরাও সর্বক্ষেত্রে পশ্চিমাদের অনুসরণ করুক। এমনকি তারা যদি গুই সাপের গর্তে প্রবেশ করে, তাহলেও মুসলিম নারীরা তাতে প্রবেশ করুক—যদিও তাতে রয়েছে সংকীর্ণতা, অন্ধকার ও উৎকট গন্ধ। অন্য কথায় এভাবেও বলা যায়—পশ্চিমা নারী যে ফ্যাশন ও স্টাইল মেনে চলে, মুসলিম নারীরাও তার অনুসরণ করুক অক্ষরে অক্ষরে।

অবশ্য পশ্চিমা অধুনা নারীদের অভিযোগ-অনুযোগের ব্যাপারে তারা সম্পূর্ণ উদাসীন। নারী-পুরুষের অবাধ মেলামেশার ফলে তাদের মন্দ পরিণতি, পারিবারিক ভাঙন, সামাজিক অবক্ষয় ইত্যাদি তারা সহজেই ভুলে থাকে। এহেন অবস্থায় পশ্চিমা সমাজের যে করুণ আর্তচিৎকার—তা যেন তাদের কানেই প্রবেশ করে না। বিজ্ঞানী, লেখক, সাহিত্যিক, সমাজ সংস্কারক ও চিন্তাবিদরা নারী-পুরুষের অবাধ মেলামেশার যে বিষফল বর্ণনা করে যাচ্ছেন প্রতিনিয়ত—তার প্রতিও তাদের কোনো দ্রুক্ষেপ ও কর্ণপাত নেই।

তারা ভুলে যায়, পৃথিবীর প্রত্যেক জাতিসত্তার বৈশিষ্ট্য, স্বকীয়তা ও ঐতিহ্য আলাদা আলাদা, যা তাদের ধর্মবিশ্বাস, জীবন পরিচালনার দর্শন, মূল্যবোধ ইত্যাদির ভিত্তিতে তৈরি হয়। তাই একটি সমাজকে অন্য সমাজের চিত্রে অঙ্কনের চেষ্টা করা কারও জন্য আদৌ সমীচীন নয়।

দুই. তারা নারীদের ওপর অন্যের ধর্মবিশ্বাস ও ঐতিহ্য চাপিয়ে দিতে আগ্রহী। অথচ প্রাচ্যের ও প্রতীচ্যের ধর্মবিশ্বাস কখনোই এক নয়। যদিও উভয় ধর্মের বিভিন্ন ক্ষেত্রে দেখতে অনেকটা একই রকম দেখা যায়। এর ওপর ভিত্তি করে কেউ যদি একের বিশ্বাস অন্যের জন্য বাধ্যতামূলক করে, তাহলে নিশ্চিত তার ধর্মীয় জ্ঞান যেমন ত্রুটিযুক্ত, তেমনই তার বিবেকবুদ্ধি ও আচার-আচরণও মন্দের দুশ্চেষ্টা।

মানুষের কোনো মত-অভিমতই যে একেবারে নিষ্কলুষ ও পবিত্র নয়, তা তো সর্বজনস্বীকৃত। এ ছাড়াও মানুষের চিন্তা, বুদ্ধি, বিবেচনাও স্থান, কাল, বয়স, শিক্ষাপ্রতিষ্ঠান ও অন্যান্য অনুষঙ্গ দ্বারা প্রভাবিত হয়। আর এর স্বপক্ষে প্রমাণ রয়েছে কুরআনে, নবিজির হাদিসে এবং খাইরুল কুরআনের সোনার মানুষ সাহাবীদের বক্তব্যে।

একটি মিথ্যা রটনা

মানুষের মুখে মুখে একটি মিথ্যা রটনা বহুল প্রচলিত। তাও আবার তারা তা নবিজির সাথে সম্পৃক্ত করে থাকে—‘তোমরা নারীদের সাথে পরামর্শ করো এবং বিরোধিতা করো তার মতামতের।’^২

^২ ইমাম সাখাবি আল মাকাসিদুল হাসানা গ্রন্থে বলেন, হুদাইবিয়া সন্ধির সময় নবি (সা.) উম্মে সালামা (রা.)-এর সাথে পরামর্শ করে তাঁর মতামত গ্রহণ করেছেন। এ থেকে বোঝা যায়, নারীদের মতামত ও পরামর্শ গ্রহণ করা নিশ্চিতভাবে জায়েজ। দ্র. মাকাসিদুল হাসানা : ৫৮৫। শাইখ আলবানি বলেন, বর্ণিত রটনার কোনো ভিত্তি নেই। দ্র. আস সিলসিলাতুত দয়িফা : ৪৩০

এ কথাটি একটি মঅজু হাদিসে বর্ণিত, যার আদৌ কোনো ভিত্তি নেই। ইলমি দৃষ্টিকোণ থেকেও নেই এর কোনো গ্রহণযোগ্যতা। বরং মুসলমানদের একটি গুরুত্বপূর্ণ বিষয়ে নবি (সা.) উম্মুল মুমিনিন উম্মে সালামা (রা.)-এর সাথে পরামর্শ করেছেন। আর তাঁর পরামর্শ গ্রহণও করেছেন নবিজি। নিশ্চয় তাতে প্রচুর বরকত ও কল্যাণ নিহিত ছিল।^৩

নারী মানেই অকল্যাণ : একটি মিথ্যা

আলি ইবনে আবু তালিব (রা.)-এর সাথে সম্পৃক্ত করে বলা হয়—‘নারী সম্পূর্ণরূপেই অকল্যাণকর। তার সবকিছুই অনিষ্টকর।’^৪

এ কথাটিও অগ্রহণযোগ্য। ইসলামি দর্শনে কিংবা কুরআন-হাদিসের কোনো ভাষ্যেও তা স্বীকৃত নয়। এ বিষয়ে ফতোয়ায় মুআসারা গ্রন্থে আমি বিস্তারিত আলোচনা করেছি।

আলি (রা.) কি এ ধরনের কথা নিজের স্ত্রী ফাতিমা বিনতে মুহাম্মাদ (সা.)-এর ব্যাপারে বলতে পারেন, যিনি হলেন জান্নাতি নারীকুলের সর্দার? নাকি বলতে পারেন ফাতিমার মা খাদিজার ব্যাপারে? আয়িশা (রা.)-এর ব্যাপারে? উম্মাহাতুল মুমিনদের ব্যাপারে? ফেরাউনের স্ত্রী ও মরিয়ম বিনতে ইমরানের ব্যাপারে? আল কুরআন মুসলিমাদের মুসলিমের সাথে, মুমিনাদের মুমিনের সাথে, অনুগত নারীদের অনুগত পুরুষের সাথে সংযুক্ত করে উল্লেখ করেছে। এ থেকেই বোঝা যায়—নারীদের মাঝেও রয়েছে প্রভূত কল্যাণ।

নারীদের স্বর সতরের অন্তর্গত

অনেকের ভাষ্য—নারীদের গলার স্বর সতরের অন্তর্গত। অতএব, কোনো নারীর জন্য স্বামী কিংবা মুহরিম ছাড়া অন্য পুরুষের সাথে কথা বলা জায়েজ নেই। কারণ, তাদের গলার স্বর স্বাভাবিকভাবেই সুমিষ্ট ও ফিতনা সৃষ্টির কারণ। অনেক ক্ষেত্রে তা পুরুষের মনে প্রবৃত্তিও জাগিয়ে তোলে।

আমি এ বিষয়ে যথেষ্ট অনুসন্ধানী ছিলাম। এ মতের পক্ষে অনেক দলিল খোঁজাখুঁজিও করেছি। কিন্তু একটিও এমন দলিল পাইনি, যার ওপর নির্ভর করা যায়। বরং এর উলটো বক্তব্য পেয়েছি।

^৩ হুদাইবিয়া সন্ধি সম্পাদিত হয়ে গেলে নবি (সা.) সাহাবিদের বললেন—‘তোমরা এবার উঠে কুরবানি করো এবং মাথা মুণ্ডিয়ে হালাল হয়ে যাও।’ বর্ণনাকারী বলেন, নবিজির এ কথায় একজন সাহাবিও উঠে কুরবানি করেননি এবং মাথা মুণ্ডিয়ে হালাল হননি; বরং সন্ধিকে পরাজয় মনে করে তাঁরা অত্যন্ত দুঃখ, চিন্তা ও মনস্তাপে বিচলিত ছিলেন। নবিজি তাঁদের তিনবার নির্দেশ দেওয়ার পরও একজন সাহাবিও তা পালনের জন্য উঠে দাঁড়াননি।

নবি (সা.) উম্মুল মুমিনিন উম্মে সালামা (রা.)-এর কাছে গিয়ে তাঁদের এই অবস্থা বর্ণনা করলেন। তিনি পরামর্শ দিয়ে বললেন—‘হে আল্লাহর নবি! আপনি এখান থেকে বের হয়ে তাঁদের কারও সাথে একটি কথাও বলবেন না; বরং নিজেই নিজের কুরবানি জবাই করুন এবং নাপিত ডেকে আপনার মাথা মুণ্ডিয়ে ফেলুন।’

নবিজি বাইরে এসে সাহাবিদের কারও সাথেই কোনো কথা বললেন না। তিনি নিজের কুরবানি পশু জবাই করলেন। নাপিত ডেকে মাথা মুণ্ডালেন। সাহাবিরা এটা দেখে সবাই উঠে দাঁড়ালেন। নিজেদের পশু জবাই করে একে অন্যের মাথা মুণ্ডিয়ে দিতে লাগলেন। এমনকি এতে তাঁদের চিন্তা-পেরেশানিও অনেকটা কমে গেল। ইমাম বুখারি, *আশ-শুরুত* :

২৭৩১; মুসনাদে আহমাদ : ১৮৯২৭

^৪ নাহজুল বালাগাহ : ৯০৬

পর্দার অন্তরাল থেকে নবিজির স্ত্রীদের কাছে পর্যন্ত কোনো কিছু চাওয়ার কিংবা জানার অনুমতি দিয়েছে আল কুরআন। অথচ নিষিদ্ধ বিষয়ে নবিজির স্ত্রীদের ব্যাপারে কুরআন যেরূপ কড়াকড়ি করেছে, অন্যদের ব্যাপারে তা করেনি। আল্লাহ তায়ালা বলেন—

وَإِذَا سَأَلْتُمُوهُنَّ مَتَاعًا فَاسْأَلُوهُنَّ مِنْ وَرَاءِ حِجَابٍ-

‘তোমরা তাদের (নবিপত্নীগণের) কাছে কোনো কিছু চাইলে পর্দার অন্তরাল থেকে চাও।’^৫

জানতে চাওয়ার অনুমতি থেকে বোঝা যায়, তাদের জবাব দেওয়ারও অনুমতি রয়েছে। আর উম্মাহাতুল মুমিনরা জবাব দিয়েছেনও। তাঁদের কাছে মাসয়ালা জিজ্ঞেস করা হলে তাঁরা ফতোয়া দিয়েছেন। তাঁদের কাছে কেউ হাদিস শুনতে চাইলে তাঁরা তা বর্ণনা করেছেন। বিশেষ করে আয়িশা (রা.)-এর বর্ণিত হাদিস তো সংখ্যায় প্রচুর।

পুরুষদের মজলিসে নারীরা এসেও নবিজির কাছে প্রশ্ন করেছে। নবি (সা.) এটা দোষণীয়ও মনে করেননি এবং তাঁদের এমন করতে নিষেধও করেননি।

উমর (রা.) খুতবা দিচ্ছিলেন মিসরে দাঁড়িয়ে। আর তখনই এক নারী উমর (রা.)-এর বক্তব্যকে খণ্ডন করেছে। অথচ উমর (রা.) তার এই বক্তব্য খণ্ডনকে অপছন্দ করেননি; বরং নিজের মত ভুল ও তার মত সঠিক হওয়ার কথা স্বীকার করে বলেছেন—‘প্রত্যেকেই দেখছি উমরের চেয়ে বড়ো ফকিহ।’^৬

সূরা কাসাসেও আমরা দেখতে পাই—শুআইব (আ.)-এর যুবতি মেয়ে মুসা (আ.)-কে উদ্দেশ্য করে বলেছেন—

إِنَّ أَبِي يَدْعُوكَ لِيَجْزِيَكَ أَجْرَ مَا سَقَيْتَ لَنَا-

‘আমার বাবা আপনাকে ডাকছে। আপনি আমাদের জন্তুগুলোকে যে পানি পান করিয়েছেন, তার প্রতিদান দেওয়ার জন্য।’^৭

এর আগেও সে ও তাঁর বোন মুসা (আ.)-এর সাথে কথা বলেছিল। মুসা (আ.) তাঁদের জিজ্ঞেস করেছিলেন, আর তাঁরাও জবাব দিয়েছিলেন।

قَالَ مَا خَطْبُكُمَا قَالَتَا لَا نَسْقِي حَتَّى يُصْدِرَ الرِّعَاءُ وَأَبُونَا شَيْخٌ كَبِيرٌ-

‘মুসা জিজ্ঞেস করল—তোমাদের দুজনের ব্যাপার কী? তারা বলল— রাখালরা তাদের পশুকে সরিয়ে না নেওয়া পর্যন্ত আমরা আমাদের পশুকে পান করাতে পারি না। আর আমাদের পিতাও একজন বয়োবৃদ্ধ মানুষ।’^৮

সুলাইমান (আ.) ও সাবার রানির মধ্যে যে কথোপকথন হয়েছিল, কুরআন তা আমাদের কাছে বর্ণনা করেছে। সাবার রানির সাথে তার মন্ত্রিপরিষদের যে আলাপ হয়েছিল, বর্ণনা করেছে তাও।

^৫ সূরা আহজাব : ৫৩

^৬ ইমাম তাহাবি, শরহ মাআনিল আসার : ৫০৫৯; বায়হাকি, আস-সিদাক : ৭/২৩৩

^৭ সূরা কাসাস : ২৫

^৮ সূরা কাসাস : ২৩

আর সর্বজনগ্রাহ্য মত হলো—পূর্ববর্তী শরিয়ায় যা সিদ্ধ, তা বৈধ আমাদের জন্যও। তবে আমাদের শরিয়ায় যদি তা রহিত করা হয়, তাহলে ভিন্ন কথা।

অতএব, কুরআন কথা বলার অনুমতি দিয়েছে। তবে এক্ষেত্রে নিষেধ করেছে নরম ও মিষ্টি স্বরে কথা বলতে। কারণ, এর দ্বারাই পুরুষ নারীর প্রতি আকৃষ্ট ও আসক্ত হয়ে ওঠে। কুরআন এটিকে এভাবে বর্ণনা করেছে—

يُنْسَاءُ النَّبِيَّ لَسْتُنَّ كَأَحَدٍ مِّنَ النِّسَاءِ إِنِ اتَّقَيْتُنَّ فَلَا تَخْضَعْنَ بِالْقَوْلِ فَيَطْمَعَ الَّذِي فِي قَلْبِهِ
مَرَضٌ وَقُلْنَ قَوْلًا مَّعْرُوفًا-

‘হে নবিপত্নীগণ! তোমরা অন্য নারীদের মতো নও। তোমরা যদি আল্লাহকে ভয় করো। তবে পরপুরুষের সঙ্গে কোমল কণ্ঠে এমনভাবে কথা বলো না, যাতে যার অন্তরে ব্যাধি আছে সে প্রলুব্ধ হয়। তোমরা সংগত কথা বলো।’^৯

সুতরাং কোমল কণ্ঠে নরম স্বরে কথা বলা নিষিদ্ধ। কারণ, যার মনে আসক্তির রোগ আছে—তা তাদের জন্য প্রলুব্ধকর। তাই বলে পুরুষের সাথে সম্পূর্ণরূপে কথা বলা নিষিদ্ধ নয়। কারণ, আয়াতের শেষাংশে বলা হচ্ছে ‘তোমরা সংগত কথা বলো।’ অতএব, প্রয়োজনে কথা বলা দোষের নয়।

নারীদের ফিতনা

নারীদের সাথে কথা বলা নাজায়েজ হওয়ার পক্ষে অনেকেই রাসূল (সা.)-এর এ হাদিসটি বারবার উদ্ধৃত করে থাকে। নবি (সা.) বলেছেন—‘আমার পর পুরুষদের জন্য নারীদের ফিতনার চেয়ে অধিক ক্ষতিকর আর কিছুই রেখে যাচ্ছি না।’^{১০}

আমার বক্তব্য হলো, হাদিসে নারীদের ফিতনা সম্পর্কে সতর্ক করা হয়েছে সত্য। তার মানে এই নয়, নারী মানেই পুরুষের জন্য অনিষ্টকর ও ক্ষতিকর। বরং উদ্দেশ্য—নারীদের ফিতনার প্রভাব এত বেশি, যা মানুষকে আল্লাহ ও আখিরাতের স্মরণ থেকে বিমুখ করে দেয়।

আর নারীদের চেয়েও যে ফিতনার ব্যাপারে আল্লাহ অধিক সতর্ক করেছেন তা হলো—সম্পদ ও সন্তানাদির ফিতনা। আল্লাহ তায়ালা বলেন—

إِنَّمَا أَمْوَالُكُمْ وَأَوْلَادُكُمْ فِتْنَةٌ-

‘তোমাদের সম্পদ ও সন্তান-সন্ততি তোমাদের জন্য ফিতনাস্বরূপ।’^{১১}

অন্য আয়াতে আল্লাহ তায়ালা বলেন—

^৯ সূরা আহজাব : ৩২

^{১০} সহিহ বুখারি : ৫০৯৬; সহিহ মুসলিম : ২৭৪০

^{১১} সূরা তাগাবুন : ১৫

يَا أَيُّهَا الَّذِينَ آمَنُوا لَا تُلْهِكُمْ أَمْوَالُكُمْ وَلَا أَوْلَادُكُمْ عَنْ ذِكْرِ اللَّهِ وَمَنْ يَفْعَلْ ذَلِكَ فَأُولَٰئِكَ هُمُ
الْخَسِرُونَ-

‘হে মুমিনগণ, তোমাদের ধনসম্পদ আর সন্তানাদি তোমাদের যেন আল্লাহর স্মরণ হতে গাফেল করে না দেয়। যারা এমন করবে তারা ই ক্ষতিগ্রস্ত।’^{১২}

কুরআনের বেশ কিছু আয়াতে আল্লাহ তায়ালা সম্পদকে খাইর বলেও উল্লেখ করেছেন। যেমন :

كُتِبَ عَلَيْكُمْ إِذَا حَضَرَ أَحَدَكُمُ الْمَوْتُ إِنِ تَرَكَ خَيْرًا الْوَصِيَّةُ لِلْوَالِدَيْنِ وَالْأَقْرَبِينَ بِالْمَعْرُوفِ
حَقًّا عَلَى الْمُتَّقِينَ-

‘তোমাদের নির্দেশ দেওয়া যাচ্ছে—তোমাদের কারও মৃত্যু উপস্থিত হলে সে যদি ধনসম্পদ রেখে যায়, তবে পিতা-মাতা ও আত্মীয়স্বজনের জন্য বৈধভাবে অসিয়ত করার বিধান দেওয়া হলো। মুত্তাকিদের জন্য এটা অবশ্যপালনীয়।’^{১৩}

إِنَّ الْإِنْسَانَ لِرَبِّهِ لَكَنُودٌ-وَإِنَّهُ عَلَىٰ ذَٰلِكَ لَشَهِيدٌ-وَإِنَّهُ لِحُبِّ الْخَيْرِ لَشَدِيدٌ-

‘বস্তুত মানুষ তার রবের প্রতি বড়োই অকৃতজ্ঞ। নিশ্চয় সে নিজেই এ বিষয়ে সাক্ষী। আর খাইরের (ধনসম্পদের) প্রতি অবশ্যই সে খুবই আসক্ত।’^{১৪}

অন্য আয়াতে সন্তানাদিকে নিয়ামত আখ্যা দেওয়া হয়েছে, যা বান্দাদের মধ্যে যাকে ইচ্ছে আল্লাহ দান করেন।

يَهَبُ لِمَنْ يَشَاءُ إِنَاثًا وَيَهَبُ لِمَنْ يَشَاءُ الذُّكُورَ-

‘তিনি যাকে চান কন্যাসন্তান দেন, আর যাকে চান দেন পুত্রসন্তান।’^{১৫}

আল্লাহ তায়ালা বিশেষ অনুগ্রহে বান্দাকে সন্তানাদি ও নাতিপুতি দান করেন। এ ছাড়াও তা সর্বোত্তম রিজিকের অন্তর্ভুক্ত। আল্লাহ তায়ালা বলেন—

وَاللَّهُ جَعَلَ لَكُمْ مِنْ أَنْفُسِكُمْ أَزْوَاجًا وَجَعَلَ لَكُمْ مِنْ أَزْوَاجِكُمْ بَنِينَ وَحَفَدَةً وَرَزَقَكُمْ مِنَ
الطَّيِّبَاتِ-

‘আল্লাহ তোমাদের স্বজাতির মধ্য হতেই তোমাদের জোড়া সৃষ্টি করেছেন, আর তোমাদের জন্য তোমাদের জোড়া থেকে পুত্র-পৌত্রাদি বানিয়েছেন এবং তোমাদের দিয়েছেন উৎকৃষ্ট রিজিক।’^{১৬}

^{১২} সূরা মুনাফিকুন : ০৯

^{১৩} সূরা বাকারা : ১৮০

^{১৪} সূরা আদিয়াত : ০৬-০৮

^{১৫} সূরা শুরা : ৪৯

^{১৬} সূরা নাহল : ৭২

অতএব, সম্পদ ও সন্তানাদির ফিতনার মতোই নারীদের ফিতনা সম্পর্কে সতর্ক করা হয়েছে। এর মানে এই নয়, সম্পদ ও সন্তানাদি মন্দ জিনিস। মন্দ নারীরাও; বরং উদ্দেশ্য হলো—নারীদের প্রতি এত বেশি আসক্ত ও ঘনিষ্ঠ হওয়া যাবে না, যা ফিতনার কারণ হয় এবং যা আল্লাহর জিকির থেকে বিমুখ করে রাখে।

নারীদের ফিতনা, আবেগ ও ভালোবাসার জাদুর কাছে অধিকাংশ পুরুষই যে দুর্বল, তা কেউই অস্বীকার করতে পারবে না। বিশেষ করে তারা যদি কাউকে প্ররোচিত করে ফাঁসাতে চায়, তাহলে তাদের কৌশল যেকোনো পুরুষকেই কাবু করতে সক্ষম।

আর এ ব্যাপারে সতর্ক করা প্রয়োজনও ছিল, যাতে তাদের আবেগ ও কৌশলের ব্যাপারে পুরুষেরা সতর্ক হয়। আর তাদের সাথে অন্যায় শারীরিক সম্পর্কের ব্যাপারেও ধাবিত না হয়।

পূর্বের সব যুগের চেয়ে বর্তমানে নারীদের ফিতনা অধিক মারাত্মক। বর্তমানে শত্রুরা নারীদের এমন এক অপ্রতিরোধ্য হাতিয়ার হিসেবে গ্রহণ করেছে, যার মাধ্যমে তারা মানুষের মর্যাদা ও মূল্যবোধকে সভ্যতা ও অগ্রগতির নামে একেবারে ধ্বংস করে দিচ্ছে!

মুসলিম নারীদের এসব ষড়যন্ত্র সম্পর্কে সচেতন থাকা জরুরি। যেন তারা ইসলামের শত্রুদের এ বিধ্বংসী হাতিয়ার সম্পর্কে অন্যদের সচেতন ও সাবধান করতে পারে। আর নিজেরাও প্রতিষ্ঠিত থাকতে পারে খাইরুল কুরানের কল্যাণের ওপর। তারা মার্জিত, ভদ্র ও শোধিত হয় মেয়ে হিসেবে, স্ত্রী হিসেবে এবং মা হিসেবে। দীন, সমাজ ও জাতির সবার জন্য তারা হয় অফুরন্ত কল্যাণের কারণ। এর দ্বারাই তাদের উভয় জগতের জীবন হবে সুন্দর ও সাফল্যমণ্ডিত।

সুফাহা দ্বারা উদ্দেশ্য

আল কুরআনে আল্লাহ তায়ালা বলেন—

وَلَا تُؤْتُوا السُّفَهَاءَ أَمْوَالَكُمُ الَّتِي جَعَلَ اللَّهُ لَكُمْ قِيَمًا وَارْزُقُوهُمْ فِيهَا وَاكْسُوهُمْ وَقُولُوا لَهُمْ قَوْلًا مَعْرُوفًا-

‘আর তোমরা সুফাহাদের তোমাদের ধনসম্পদ অর্পণ করো না, যাকে আল্লাহ তোমাদের জন্য করেছেন জীবিকার মাধ্যম এবং তোমরা তা থেকে তাদের আহার দাও, পরিধান করাও এবং উত্তম কথা বলো।’^{১৭}

কিছু মুফাসসিরের মতে, আয়াতে ব্যবহৃত সুফাহা শব্দ দ্বারা নারী ও শিশু উদ্দেশ্য। কিন্তু এ মতটি নিতান্তই দুর্বল; যদিও মতটির সম্বন্ধ করা হয় উম্মাহর পণ্ডিত হিসেবে খ্যাত ইবনে আব্বাস (রা.)-এর দিকে। যদি এটি তাঁর দিকে সম্বন্ধ করা সঠিক হয় এবং সালাফদের অনেকেই তা গ্রহণও করে থাকেন— তবুও এই মতটি দুর্বল।^{১৮} কারণ, জমহুর আলিমগণের মতে—সাহাবিদের

^{১৭} সূরা নিসা : ০৫

^{১৮} তাফসিরে তাবারি : ৭/৫৬২; ইবনে জাওজি, জাদুত তাফসির : ১/৩৭১। আল্লাহর বাণী ‘তোমরা সুফাহাদের তাদের ধনসম্পদ অর্পণ করো না’ এ আয়াতে সুফাহা দ্বারা কী উদ্দেশ্য? তা নিয়ে পাঁচটি মতামত রয়েছে। এক. নারীরা উদ্দেশ্য। এ মতটি ইবনে উমর (রা.)-এর।

থেকে বর্ণিত কুরআনের তাফসির এমন দলিল নয়, যা অন্যের জন্য মানা জরুরি। আর এমন তাফসিরের মান মারফু হাদিসের সমপর্যায়েরও নয়। যদিও কিছু মুহাদ্দিস এমন তাফসিরকে মারফু হাদিসের মান দিয়ে থাকেন। বরং তা নিতান্তই সাহাবির মতামত ও ইজতিহাদ হিসেবে স্বীকৃত। আর ইজতিহাদ ভুল হলেও তারা সওয়াবের অধিকারী হবেন।

সাহাবিদের মতামতের ব্যাপারে ইবনে আব্বাস (রা.) নিজেই বলেছেন— ‘নবির কথা ছাড়া প্রত্যেকের কথাই প্রত্যাখ্যাত হতে পারে, আবার হতে পারে গ্রহণযোগ্যও।’^{১৯}

নবি (সা.) ইবনে আব্বাস (রা.)-এর জন্য দুআ করেছিলেন—‘হে আল্লাহ! তুমি তাঁকে তাবিলের জ্ঞান দান করো।’^{২০} নবি (সা.)-এর দুআর অর্থ এই নয়, তিনি যা মত দেবেন তা-ই বিশুদ্ধ। বরং তিনি যত ব্যাখ্যা করবেন, তার অধিকাংশ ব্যাখ্যা যেন বিশুদ্ধ হয়। নিঃসন্দেহে তাফসির ও ফিকহি বিষয়ে ইবনে আব্বাস (রা.)-এর এমন অনেক মতামত ও ইজতিহাদ রয়েছে, যেগুলোর সাথে জমহুর সাহাবা ও অধিকাংশ উম্মাহ একমত হয়নি।

আয়াতে বর্ণিত সুফাহা শব্দের ব্যাখ্যায় ইবনে আব্বাস (রা.) নারী কিংবা নারী ও শিশু উদ্দেশ্য বলে যে মত দিয়েছেন, তা কয়েকটি দিক থেকে দুর্বল।

প্রথমত, সুফাহা শব্দটি পুরুষবাচক শব্দ সাফিহ (سَفِيه) -এর জামউ তাকসির।^{২১} সাফিহা (سَفِيهَةٌ) শব্দের বহুবচন নয়। যদি শব্দটির একবচন সাফিহা হতো, তাহলে বহুবচন হতো সাফিহাত (سَفِيهَات) কিংবা সাফাইহ (سَفَاهِيه)।

দ্বিতীয়ত, সুফাহা নিন্দাবাচক শব্দ। এর অর্থ হলো—যার বুদ্ধি কম। আর বুদ্ধি কম থাকায় আচরণ ও লেনদেনও হয় মন্দ। এ কারণে কুরআনের কয়েক জায়গায় কেবল নিন্দার্থেই শব্দটির ব্যবহার এসেছে। আল্লাহ তায়ালা বলেন—

وَإِذَا قِيلَ لَهُمْ آمِنُوا كَمَا آمَنَ النَّاسُ قَالُوا أَنُؤْمِنُ كَمَا آمَنَ السُّفَهَاءُ ۗ أَلَا إِنَّهُمْ هُمُ السُّفَهَاءُ وَلَكِن لَّا يَعْلَمُونَ-

দুই. নারী ও শিশুরা উদ্দেশ্য। এ মতটি সাইদ ইবনে জুবায়ের, কাতাদা, দাহহাক, মাকাতিল, ফাররা, ইবনে কোতায়বা, হাসান ও মুজাহিদেব।

তিন. শিশুরা উদ্দেশ্য। এ কথা বলেছেন আবু মালেক। তবে এ তিনটি মতই ইবনে আব্বাস ও হাসান (রা.) থেকে বর্ণিত।

চার. এতিম। এ মতটি ইকরামার। সাইদ ইবনে জুবায়েরেরও এটি একটি মত।

পাঁচ. সব ধরনের নির্বোধ লোকই সুফাহার অন্তর্গত। বিশেষ করে নির্বোধদের যারা অন্যের অধীনে প্রতিপালিত হয়। এ মতটি ইবনে জারির দিমাশকি ও আবু সূলাইমানসহ প্রমুখের।

^{১৯} আবু নুয়াইম, হিলয়াতুল আউলিয়া : ৩/৩০০

^{২০} সহিহ বুখারির হাদিসের ভাষ্য হলো—হে আল্লাহ! তাঁকে কিতাবের জ্ঞান দান করো। হাদিস : ৭৫। হে আল্লাহ! তাঁকে দ্বীনের জ্ঞান দান করো। হাদিস : ১৪৩। আর মুসলিমের ভাষ্য হলো—হে আল্লাহ! তাঁকে জ্ঞান দান করো। হাদিস : ২৪৭৭

^{২১} আরবি ব্যাকরণের নিয়ম অনুযায়ী একবচন শব্দকে ভেঙে বহুবচন তৈরি করা হলে তাকে জামউ তাকসির বা ভপ্পুর বহুবচন বলে।

‘যখন তাদের বলা হয়, যেসব লোক ঈমান এনেছে তাদের মতো তোমরাও ঈমান আনো। তারা বলে, সুফাহারা যেমন ঈমান এনেছে, আমরাও কি তেমনি ঈমান আনব? আসলে তারাই সুফাহা। কিন্তু তারা তা বুঝতে পারে না।’^{২২}

سَيَقُولُ السُّفَهَاءُ مِنَ النَّاسِ مَا وَلَّهُمْ عَنِ قِبَلِهِمُ الْيَتِي كَانُوا عَلَيْهَا-

‘শীঘ্রই সুফাহারা বলবে, কীসে তাদের ফিরিয়ে দিলো সেই কিবলা হতে, তারা যারা অনুসরণ করে আসছিল?’^{২৩}

অতএব, বোঝা গেল সুফাহা নিন্দাজ্ঞাপক শব্দ। কেউ নিন্দনীয় কিছু না করলে কখনোই তার নিন্দা করা যায় না। তাই একজন নারীকে কীভাবে নারী হিসেবে নিন্দা করা যেতে পারে? অথচ সে তো নিজে নিজেকে নারী হিসেবে সৃষ্টি করেনি, সৃষ্টি করেছেন আল্লাহ তায়ালা। আর নারীদের ব্যাপারে আল্লাহ বলেছেন—

بَعْضُكُمْ مِنْ بَعْضٍ-

‘তোমরা একে অপরের অংশ।’^{২৪}

আর হাদিসে নবি (সা.) বলেছেন—‘নারীরা হলো পুরুষের অর্ধেক।’^{২৫}

শিশুদের ব্যাপারেও একই কথা। আল্লাহ তায়ালাই মানুষকে দুর্বল করে সৃষ্টি করেছেন। নির্ধারণ করেছেন জীবনের নানা পর্যায়। শিশু থেকে বালক, যুবা ও বৃদ্ধ পর্যন্ত। অতএব, একজন শিশুকে শিশু হওয়ার কারণে কী করে নিন্দা করা যায়? এতে তো তার কোনো হাত নেই।

আমরা মুহাদ্দিসগণের তাফসিরের দিকে লক্ষ করে দেখতে পাই, তাদের সবাই এ আয়াতের ব্যাখ্যার ক্ষেত্রে শাইখুল মুফাসসিরিন ইমাম তাবারির মত অনুসরণ করেছেন।^{২৬} সাইয়েদ রশিদ রিদা তাফসিরুল মানার-এ লেখেন—‘এখানে সুফাহা দ্বারা উদ্দেশ্য হলো তারা, যারা সম্পদ অপচয় করে; অপ্রয়োজনে ব্যয় করে। সম্পদ বৃদ্ধির উদ্দেশ্যে লাভজনক ক্ষেত্র নির্বাচনেও তারা অক্ষম। তাদের বিনিয়োগ হয় প্রায়ই এমন ক্ষেত্রে, যা লস প্রজেক্ট।’^{২৭}

এ আয়াতে উল্লিখিত সুফাহা শব্দের ব্যাখ্যায় সালাফদের মতবিরোধও তিনি উল্লেখ করেছেন। আর ইবনে জারির তাবারির মতকে প্রাধান্য দিয়ে বলেছেন— বালক-বৃদ্ধ ও পুরুষ-নারীর যারাই নির্বোধ, তারাই সুফাহার অন্তর্গত।’

ইমাম মুহাম্মাদ আবদুল বলেন—‘আল্লাহ তায়ালা পূর্বের আয়াতে এতিমদের তাদের সম্পদ প্রদানের এবং নারীদের তাদের প্রাপ্য মোহর প্রদানের নির্দেশ দিয়েছেন। আর এ আয়াতে বলেছেন, সুফাহাদের তোমরা তোমাদের সম্পদ দিয়ো না। আল্লাহ তায়ালা এখানে সুফাহা বলে

^{২২} সূরা বাকারা : ১৩

^{২৩} সূরা বাকারা : ১৪২

^{২৪} সূরা আলে ইমরান : ১৯৫

^{২৫} সহিহ আল জামিউস সগির : ১৯৭৯

^{২৬} তাফসিরে তাবারি : ৭/৫৬৮

^{২৭} তাফসিরুল মানার : ৪/৩১০

এতিম ও নারী উভয়কেই অন্তর্ভুক্ত করেছেন। অর্থাৎ এতিম প্রাপ্তবয়স্ক হওয়ার সাথে সাথে তাকে তার সম্পদ বুঝিয়ে দাও। নারীকে বুঝিয়ে দাও তার মোহর। কিন্তু তারা যদি নির্বুদ্ধিতার কারণে সম্পদ পরিচালনায় অক্ষম হয়, তাহলে তা তাদের হাতে তুলে দিয়ো না, যাতে তাদের সম্পদ বিনষ্ট না হয়। আয়াতে আল্লাহ তায়ালা “তোমাদের সম্পদ” বলেছেন। তাদের সম্পদ বলেননি। এখানে তোমাদের সম্পদ বলার দ্বারা অলিদের তথা অভিভাবকদের কয়েকটি বিষয়ে সতর্ক করেছেন।

এক. বিনিয়োগ বা অন্য কারণে যদি সাফিহের সম্পদ বিনষ্ট হয়, তাহলে ধরে নিতে হবে, অলির নিজের মালই বিনষ্ট হয়েছে। আর এমতাবস্থায় সাফিহের ভরণপোষণের জন্য অলির নিজের সম্পদ ব্যয় করা ওয়াজিব।

দুই. সাফিহ বুদ্ধিমান হয়ে যোগ্য ব্যক্তিদের মতো জনকল্যাণ ও অন্যান্য ভালো কাজে এ সম্পদ ব্যয় করলে, এর সওয়াবের একটি অংশ অলির আমলনামাতেও যোগ হবে।

তিন. প্রত্যেকেই যখন একে অন্যের সহযোগিতায় এগিয়ে আসবে, পুরো জাতির মাঝেই সহযোগিতা ও কল্যাণের মনোভাব ছড়িয়ে পড়বে।’

নারীদের ব্যাপারে সাধারণ নীতি

নারীদের ব্যাপারে বিস্তারিত আলোচনার আগে আমি এখানে কয়েকটি বিষয়ে সতর্ক করা জরুরি মনে করছি।

এক. সুস্পষ্ট ও প্রামাণ্য নস ছাড়া আমরা নিজেদের ওপর কোনো কিছু আবশ্যিক করব না। যেসব নস সুস্পষ্ট ও প্রামাণ্য নয়, তার উদাহরণ—দুর্বল হাদিস। কিংবা এমন হাদিস, যা দ্বারা একাধিক বিষয় বোঝানোর সম্ভাবনা রয়েছে। এমন আয়াতের তাফসির, যা বিশেষ কারণে ব্যাপারে নাজিল হয়েছে। বিশেষ করে সামাজিক ও বৃহৎ কোনো বিষয়ে নাজিল হওয়া নসের ভিত্তিতে এমন কোনো কিছু আবশ্যিক করা যাবে না, যা মানুষের জন্য কষ্টের কারণ হয়ে দাঁড়ায় এবং তা সহজ করার দাবিদার।

দুই. এমন অনেক ফতোয়া ও তাফসির রয়েছে, যা প্রত্যেক যুগ ও পরিবেশের উপযোগী বলে আমরা স্বীকৃতি দিতে পারি না। বরং প্রত্যেক যুগ ও ঘটনার প্রেক্ষাপটে তা পরিবর্তনের দাবিদার। এ কারণেই মুহাক্কিক ও গবেষক আলিমদের ভাষ্য হলো—স্থান, কাল, পরিবেশ ও অবস্থার ভিত্তিতে ফতোয়া পরিবর্তিত হয়।

এমন ফতোয়ার অধিকাংশই নারীসংক্রান্ত। আধুনিক যুগে অনেকে এসবের ভিত্তিতেই নারীদের মসজিদে গমনকে হারাম পর্যন্ত বলেছেন। অথচ নবি (সা.)-এর যুগ ও সাহাবিদের যুগে নারীদের নির্বিঘ্নে মসজিদে গমনের অনুমতি ছিল। কিন্তু যুগের পরিবর্তের কারণে তাঁরা ফতোয়া পরিবর্তন করেছেন।

তিন. আধুনিক প্রাচ্যবিদরা নারীদের ব্যাপার নিয়ে খুব বেশি বাড়াবাড়ি করে। তারা নারী বিষয়ে ইসলামের বিরুদ্ধে এমন এমন অভিযোগ আনে, যা থেকে ইসলাম সম্পূর্ণ মুক্ত। তাদের দাবি, ইসলাম নারীদের ওপর অত্যাচার করেছে! তাদের শক্তি ও মেধাকে একেজো করে বসিয়ে রেখেছে। প্রমাণ হিসেবে তারা উদ্ধৃত করে কটরপন্থি কয়েকজন মুতাআখখিরিন ও সমকালীন আলিমের অভিমত।

নারীদের ব্যাপারে ইসলামের দৃষ্টিভঙ্গি

সৃষ্টিগতভাবে শরিয়ার বিধান পালন ও প্রতিদান পাওয়ার ক্ষেত্রে নারীরা পুরুষের সমান। আল কুরআনও এ কথার স্বীকৃতি দেয়। আল্লাহ বলেন—

يَا أَيُّهَا النَّاسُ اتَّقُوا رَبَّكُمُ الَّذِي خَلَقَكُمْ مِنْ نَفْسٍ وَاحِدَةٍ وَخَلَقَ مِنْهَا زَوْجَهَا وَبَثَّ مِنْهُمَا رِجَالًا كَثِيرًا وَنِسَاءً-

‘হে মানব সম্প্রদায়! তোমরা তোমাদের প্রতিপালককে ভয় করো, যিনি তোমাদের একটি প্রাণ হতে সৃষ্টি করেছেন এবং তা হতে সৃষ্টি করেছেন তাঁর সঙ্গিনীকে। আর তাদের দুজন হতে বহু নরনারী পৃথিবীতে বিস্তার করেছেন।’^{২৮}

إِنَّ الْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ وَالْقَنَاتِ وَالصَّادِقِينَ وَالصَّادِقَاتِ وَالصَّابِرِينَ وَالصَّابِرَاتِ وَالْخَاشِعِينَ وَالْخَاشِعَاتِ وَالْمُتَصَدِّقِينَ وَالْمُتَصَدِّقَاتِ وَالصَّالِحِينَ وَالصَّالِحَاتِ وَالْحَفِظِينَ فُرُوجَهُمْ وَالْحَفِظَاتِ وَالذَّاكِرِينَ اللَّهَ كَثِيرًا وَالذَّاكِرَاتِ أَعَدَّ اللَّهُ لَهُمْ مَغْفِرَةً وَأَجْرًا عَظِيمًا-

‘মুসলিম পুরুষ ও মুসলিম নারী, মুমিন পুরুষ ও মুমিন নারী, অনুগত পুরুষ ও অনুগত নারী, সত্যনিষ্ঠ পুরুষ ও সত্যনিষ্ঠ নারী, ধৈর্যশীল পুরুষ ও ধৈর্যশীল নারী, বিনয়ী পুরুষ ও বিনয়ী নারী, দানশীল পুরুষ ও দানশীল নারী, রোজা পালনকারী পুরুষ ও রোজা পালনকারী নারী,

যৌনাঙ্গের সুরক্ষাকারী পুরুষ ও যৌনাঙ্গের সুরক্ষাকারী নারী, আল্লাহকে অধিক স্মরণকারী পুরুষ ও আল্লাহকে অধিক স্মরণকারী নারী—আল্লাহ তাঁদের জন্য প্রস্তুত রেখেছেন ক্ষমা ও মহাপ্রতিদান।’^{২৯}

فَاسْتَجَابَ لَهُمْ رَبُّهُمْ أَنِّي لَا أُضِيعُ عَمَلَ عَامِلٍ مِنْكُمْ مِنْ ذَكَرٍ أَوْ أُنْثَىٰ بَعْضُكُمْ مِنْ بَعْضٍ-

‘অতঃপর তাদের প্রতিপালক তাদের ডাকে সাড়া দিয়ে বললেন, আমি তোমাদের মধ্যে কর্মনিষ্ঠ নর অথবা নারীর কর্ম বিফল করি না। আর তোমরা একে অপরের অংশ।’^{৩০}

স্বামী ও স্ত্রীর ব্যাপারে আল্লাহ তায়ালা বলেছেন—

^{২৮} সূরা নিসা : ০১

^{২৯} সূরা আহজাব : ৩৫

^{৩০} সূরা আলে ইমরান : ১৯৫

هُنَّ لِبَاسٌ لَّكُمْ وَأَنْتُمْ لِبَاسٌ لَّهُنَّ-

‘তারা তোমাদের পোশাক এবং তোমরা তাদের পোশাক।’^{৩১}

আল্লাহ তায়ালা আরও বলেন—

وَمِنْ آيَاتِهِ أَنْ خَلَقَ لَكُمْ مِنْ أَنْفُسِكُمْ أَزْوَاجًا لِتَسْكُنُوا إِلَيْهَا وَجَعَلَ بَيْنَكُمْ مَوَدَّةً وَرَحْمَةً إِنَّ فِي ذَلِكَ لَآيَاتٍ لِقَوْمٍ يَتَفَكَّرُونَ-

‘আর তাঁর নিদর্শনাবলির মধ্যে আরেকটি এই যে, তিনি তোমাদের জন্য তোমাদের মধ্য হতেই তোমাদের সঙ্গিনীদের সৃষ্টি করেছেন, যাতে তোমরা তাদের নিকট শান্তি পাও এবং তোমাদের মধ্যে পারস্পরিক ভালোবাসা ও মায়া-মমতা সৃষ্টি করেছেন। চিন্তাশীল সম্প্রদায়ের জন্য এতে অবশ্যই নিদর্শন রয়েছে।’^{৩২}

রাসূল (সা.) বলেছেন—

‘নারীরা হলো পুরুষের অর্ধেক।’^{৩৩}

‘দুনিয়া হলো সম্পত্তি, আর দুনিয়ার শ্রেষ্ঠ সম্পত্তি হলো নেককার স্ত্রী।’^{৩৪}

‘আদমসন্তানের সৌভাগ্য তিনটি জিনিসে নিহিত। নেককার স্ত্রী। উপযুক্ত বাসস্থান এবং উপযুক্ত বাহন।’^{৩৫}

‘আল্লাহ যাকে নেককার স্ত্রী দিয়েছেন, তাকে দ্বীনের অর্ধেক বিষয়েই সহযোগিতা করেছেন। অতএব, বাকি অর্ধাংশের ব্যাপারে সে যেন আল্লাহকে ভয় করে।’^{৩৬}

‘যাকে চারটি জিনিস দেওয়া হয়েছে, তাকে দেওয়া হয়েছে দুনিয়া-আখিরাতের যাবতীয় কল্যাণ। এর একটি হলো নেককার স্ত্রী—যে ব্যভিচার করে না এবং স্বামীর সম্পদের খেয়ানত করে না।’^{৩৭}

‘তোমাদের দুনিয়ার বস্তু থেকে নারী ও সুগন্ধিকে আমার কাছে প্রিয় করা হয়েছে। আর নামাজকে করা হয়েছে আমার চক্ষু শীতলকারী।’^{৩৮}

নারীর স্বভাব-প্রকৃতি পুরুষের মতোই। তাদের উভয়েই ভালো, মন্দ, হিদায়াত ও ভ্রষ্টতাকে গ্রহণ করে থাকে। আল্লাহ তায়ালা বলেন—

وَنَفْسٍ وَمَا سَوَّاهَا. فَأَلْهَمَهَا فُجُورَهَا وَتَقْوَاهَا. قَدْ أَفْلَحَ مَنْ زَكَّاهَا. وَقَدْ خَابَ مَنْ دَسَّاهَا-

^{৩১} সূরা বাকারা : ১৮৭

^{৩২} সূরা রুম : ২১

^{৩৩} সহিহ আল জামিউস সগির : ১৯৭৯

^{৩৪} সহিহ মুসলিম : ১৪৬৭; সুনানে নাসায়ি : ৩২৩২; সুনানে ইবনে মাজাহ : ১৮৫৫

^{৩৫} মুসনাদে আহমাদ : ১৪৪৫

^{৩৬} ইমাম তাবরানি, আল মুজামুল আওসাত : ৯৭২; আল হাকিম : ২/১৬১; আত-তারগিব ওয়াত তারহিব : ১৯১৬

^{৩৭} আল মুজামুল কাবির : ১১/১৩৪; বায়হাকি : ৪১১৫

^{৩৮} মুসনাদে আহমাদ : ১২২৯৩; সুনানে নাসায়ি : ৩৯৩৯; ইবনে হাজার, আত-তালখিস : ৩/১১৬

‘শপথ প্রাণের এবং যিনি তা সুঠাম করেছেন! অতঃপর তাকে তার সৎকাজ ও অসৎকাজের জ্ঞান দান করেছেন। সে-ই সফলকাম হয়েছে, যে নিজ আত্মাকে পবিত্র করেছে। সেই ব্যর্থ হয়েছে, যে নিজ আত্মাকে কলুষিত করেছে।’^{৩৯}

নারীরাও শরিয়ার বিধান পালনে পুরুষের মতোই আদিষ্ট। তাদেরও আল্লাহর ইবাদতে নিমগ্ন হতে হয়। অবিচল থাকতে হয় দ্বীনের ওপর। হারাম থেকে বেঁচে থাকতে হয়। আবদ্ধ থাকতে হয় শরিয়ার নির্দিষ্ট গণ্ডিতে। দ্বীনের প্রতি মানুষকে আহ্বান করতে হয়। সৎকাজের আদেশ ও মন্দ কাজ থেকে নিষেধ করাও তার দায়িত্বের অংশ।

আল্লাহ তায়ালা যত স্থানে মানুষকে সম্বোধন করেছেন, সবক্ষেত্রেই পুরুষের সাথে নারীও অন্তর্ভুক্ত। তবে যদি সুনির্দিষ্ট কোনো দলিল-প্রমাণের ভিত্তিতে জানা যায়—নির্দেশটি পুরুষদের জন্য বিশেষায়িত, তাহলে ভিন্ন কথা।

‘একবার উম্মে সালামা (রা.) একটি কাজে ব্যস্ত ছিলেন। এ সময় হঠাৎ শুনলেন নবি (সা.) বলছেন—হে লোকসকল! আর সাথে সাথে তিনি নবিজির এ আহ্বানে সাড়া দিলেন। তার এ ত্বরিত সাড়াদানে কিছু লোক বিস্মিত হলো। তখন তিনি তাদের বললেন, আমিও মানুষের অন্তর্গত।’^{৪০}

শরিয়ার বিধান পালনের ক্ষেত্রে সাধারণ মূলনীতি হলো, নারীরা পুরুষের মতোই। তবে যদি পুরুষদের আলাদাভাবে সম্বোধন করা হয়, তাহলে ভিন্ন কথা। যেহেতু আল্লাহ তায়ালা বলেছেন—‘তোমরা একে অপরের অংশ।’^{৪১} নবি (সা.)-ও বলেছেন—‘নারীরা হলো পুরুষের অর্ধেক।’^{৪২}

আল কুরআন নারী-পুরুষ উভয়ের ওপরই সমাজ সংশোধনের দায়িত্ব অর্পণ করেছে। কুরআনের ভাষায় এটাকে বলা হয় আমর বিল মারুফ ওয়ান নাহি আনিল মুনকার। আল্লাহ তায়ালা বলেন—

وَالْمُؤْمِنُونَ وَالْمُؤْمِنَاتُ بَعْضُهُمْ أَوْلِيَاءُ بَعْضٍ يَأْمُرُونَ بِالْمَعْرُوفِ وَيَنْهَوْنَ عَنِ الْمُنْكَرِ
وَيُقِيمُونَ الصَّلَاةَ وَيُؤْتُونَ الزَّكَاةَ وَيُطِيعُونَ اللَّهَ وَرَسُولَهُ أُولَٰئِكَ سَيَرْحَمُهُمُ اللَّهُ إِنَّ اللَّهَ عَزِيزٌ
حَكِيمٌ

‘মুমিন পুরুষ আর মুমিন নারী পরস্পর বন্ধু। তারা সৎকাজের নির্দেশ দেয়, অসৎকাজ থেকে নিষেধ করে। নামাজ কায়েম করে, জাকাত দেয় আর আনুগত্য করে আল্লাহ ও রাসুলের। তাদের প্রতিই আল্লাহ করুণা প্রদর্শন করবেন। আল্লাহ তো প্রবল পরাক্রান্ত, মহাপ্রজ্ঞাবান।’^{৪৩}

^{৩৯} সূরা শামস : ৭-১০

^{৪০} সহিহ মুসলিম : ২২৯৫

^{৪১} সূরা আলে ইমরান : ১৯৫

^{৪২} মুসনাদে আহমাদ : ১৯৭৯

^{৪৩} সূরা তাওবা : ৭১

মুনাফিকের নিদর্শন বর্ণনার পর সৎকাজের আদেশ ও অসৎকাজে নিষেধকে আল্লাহ তায়ালা ঈমানের নিদর্শন হিসেবে আখ্যায়িত করেছেন। আল্লাহ তায়ালা বলেন—

الْمُنْفِقُونَ وَالْمُنْفِقَاتُ بَعْضُهُمْ مِّنْ بَعْضٍ يَأْمُرُونَ بِالْمُنْكَرِ وَيَنْهَوْنَ عَنِ الْمَعْرُوفِ وَيَقْبِضُونَ
أَيْدِيَهُمْ نَسُوا اللَّهَ فَنَسِيَهُمْ إِنَّ الْمُنْفِقِينَ هُمُ الْفٰسِقُونَ-

‘মুনাফিক পুরুষ আর মুনাফিক নারী সব এক রকম। তারা অন্যায় কাজের নির্দেশ দেয়, সৎকাজ করতে নিষেধ করে, আর (আল্লাহর পথে ব্যয় করার ব্যাপারে) হাত গুটিয়ে রাখে। তারা আল্লাহকে ভুলে গেছে, তাই তিনিও তাদের ভুলে গেছেন। মুনাফিকরাই তো ফাসিক।’^{৪৪}

মুনাফিক নারীরা যেহেতু পুরুষদের মতো সমাজে ফিতনা-ফ্যাসাদ সৃষ্টির জন্য সদা পায়তারা করে, তাই মুমিন নারীরও দায়িত্ব—সমাজ সংশোধনের জন্য তারাও মুমিন পুরুষদের মতোই সচেষ্টি হবে।

নবযুগে নারীরা সমাজ সংশোধনের জন্য গুরুত্বপূর্ণ ভূমিকা পালন করেছে। নবিজিকে সর্বপ্রথম সত্যায়ন ও সহযোগিতাকারী ছিলেন একজন নারী—উম্মুল মুমিনিন খাদিজা (রা.)।^{৪৫} একজন নারীই সর্বপ্রথম ইসলামের জন্য শহিদ হয়েছিলেন। তিনি হলেন আম্মার (রা.)-এর মা সুমাইয়া।^{৪৬}

উল্লেখ্য, হুনাইন ও অন্যান্য যুদ্ধে নারীরা নবিজির সঙ্গী হয়ে প্রত্যক্ষ যুদ্ধে অংশগ্রহণও করেছেন। এমনকি তাদের জীবনচরিত বর্ণনায় ইমাম বুখারি (রহ.) একটি অধ্যায়ের নামকরণ করেছেন নারীদের গাজওয়া ও যুদ্ধে অংশগ্রহণ শিরোনামে।^{৪৭}

কুরআন ও সুন্নাহর দালিলিক প্রমাণগুলোর দিকে লক্ষ্য করলে দেখা যায়, সকল বিধিবিধান নারী-পুরুষ উভয়ের জন্য সমান। কেবল সেসব বিধানে নারী-পুরুষের মাঝে পার্থক্য করা হয়েছে, যাতে পার্থক্য করার দাবিদার প্রকৃতি। উদাহরণ হিসেবে নারীদের জন্য হায়েজ, নেফাস, ইসতিহাজা, গর্ভধারণ, সন্তান ভূমিষ্ঠকরণ, দুগ্ধদান, শিশু লালনপালন ইত্যাদি বিধানগুলো বিশেষায়িত। আর পুরুষের জন্য তত্ত্বাবধান, অভিভাবকত্ব, পরিবারের ভরণপোষণের দায়িত্ব ইত্যাদি বিষয়গুলো বিশেষায়িত।

^{৪৪} সূরা তাওবা : ৬৭

^{৪৫} ইবনুল আসির বলেন, নারী-পুরুষ সবার মধ্যে প্রথম ইসলাম গ্রহণকারী ছিলেন খাদিজা (রা.)। তাঁর আগে কেউ ইসলাম গ্রহণ করেনি। দ্র. ইবনুল আসির, *উসদুল গাবা* : ৭/৮০; ইমাম জাহাবি, *সিয়ারু আলামিন নুবালা* : ১/১০২

^{৪৬} আম্মার (রা.)-এর মায়ের প্রকৃত নাম সুমাইয়া বিনতে খাইয়াত (রা.)। তিনি আবু হুজায়ফা ইবনে মুগিরা আল মাখজুমির দাসী ছিলেন। ইয়াসার ছিলেন আবু হুজায়ফার মিত্র। তিনিই ইয়াসারের সঙ্গে নিজ দাসী সুমাইয়াকে বিয়ে দেন। তাঁদের ঘরে আম্মারের জন্ম হলে তাঁকেও আবু হুজায়ফা মুক্ত করে দেন। দ্র. ইবনুল আসির, *উসদুল গাবা* : ৭/১৫২

^{৪৭} ইবনে হাজার, *ফাতহুল বারি* : ৬/৭৮

আর মিরাসসংক্রান্ত কয়েকটি বিষয়ে কেবল পুরুষকে নারীর দ্বিগুণ সম্পত্তির বিধান দেওয়া হয়েছে। এর পেছনে থাকা হিকমতও সুস্পষ্ট। আর তা হলো, সম্পদ খরচের যাবতীয় দায়দায়িত্ব ইসলাম পুরুষের কাঁধেই ন্যস্ত করেছে। অথচ নারীকে কোথাও সম্পদ খরচের জন্য বাধ্য করা হয়নি।

অর্থনৈতিক ও প্রশাসনিক ক্ষেত্রে কেবল দুজন নারীর সাক্ষীকে একজন পুরুষের সমতুল্য গণ্য করা হয়েছে। মানুষের সম্মান, মর্যাদা ও অধিকার যাতে কোনোভাবেই বিঘ্নিত না হয়, এ ব্যাপারে অতি সতর্কতা অবলম্বন হিসেবেই মূলত এ বিধান দেওয়া হয়েছে। এ ছাড়া ইসলামে এমন বিষয়ও রয়েছে, যাতে একজন নারীর সাক্ষী একজন পুরুষের সাক্ষীর সমতুল্য। যেমন, সন্তান জন্ম ও দুগ্ধপানের ব্যাপারে নারীর সাক্ষ্য।

আদম (আ.)-কে জান্নাত থেকে বের করার দায় কার

কুরআন ও সুন্নাহর এমন কোনো সুস্পষ্ট বক্তব্য নেই, যা প্রমাণ করে, আদম (আ.)-কে জান্নাত থেকে বের করার পেছনে দায় ছিল হাওয়া (আ.)-এর। কিংবা তার কারণে আদমসন্তানরা দুর্ভাগ্যের মুখোমুখি হয়েছে; বরং কুরআন আদম (আ.)-কেই প্রথমে দায়ী করেছে। ইরশাদ হয়েছে—

وَلَقَدْ عَهِدْنَا إِلَىٰ آدَمَ مِنْ قَبْلِ فَنَسَىٰ وَلَمْ يُجِدْ لَهُ عِزْمًا-

‘ইতঃপূর্বে আমি আদম (আ.)-এর নিকট থেকে অঙ্গীকার গ্রহণ করেছিলাম, কিন্তু সে ভুলে গিয়েছিল। আমি তাঁকে দৃঢ়সংকল্প পাইনি।’^{৪৮}

وَعَصَىٰ آدَمُ رَبَّهُ فَغَوَىٰ. ثُمَّ اجْتَبَاهُ رَبُّهُ فَتَابَ عَلَيْهِ وَهَدَىٰ-

‘আদম তাঁর প্রতিপালকের অবাধ্যতা করল। ফলে সে হয়ে গেল পথভ্রান্ত। এরপর তাঁর পালনকর্তা তাঁকে বাছাই করলেন, তাঁর তাওবা কবুল করে তাঁকে পরিচালিত করলেন সঠিক পথে।’^{৪৯}

অত্যন্ত দুঃখ ও পরিতাপের বিষয়, আমাদের কিছু মানুষ নারীদের ওপর খুব বেশি জুলুম করেছে। তাদের অধিকারের ব্যাপারে করেছে অনেক বেশি বাড়াবাড়ি। তাদের এমন অনেক অধিকার থেকেও বঞ্চিত করেছে, যা শরিয়াহ তাদের নারী হিসেবে প্রদান করেছে—মেয়ে হিসেবে, স্ত্রী হিসেবে এবং মা হিসেবে।

আরও দুঃখের বিষয় হলো, এসব জুলুম তারা করেছে দ্বীনের নামে। অথচ দ্বীনের সাথে তার কোনো সংশ্লিষ্টতা নেই।

একটি জঘন্য কথা আদি মাতা হাওয়াকে কেন্দ্র করে আমাদের সমাজে প্রচলিত, যা নারীদেরও অনেকে বলে থাকে। তা হলো, মানবজাতির দুর্ভাগ্যের কারণ হলো হাওয়া (আ.)। তিনিই

^{৪৮} সূরা ত্বাহ : ১১৫

^{৪৯} সূরা ত্বাহ : ১২১-১২২

প্ররোচিত করে আদম (আ.)-কে পথভ্রষ্ট করেছেন। তাঁর মন রক্ষার্থেই আদম (আ.) নিষিদ্ধ বৃক্ষের ফল খেয়েছিলেন।

নিঃসন্দেহে এটি ইসলামসম্মত কথা নয়। এ কথার উৎস হলো তাওরাত ও ইসরাইলি বর্ণনা, যা ইহুদি-খ্রিষ্টানরা বিশ্বাস করে। তাদের চিন্তাবিদ ও কবিরাও এসব ধারণা প্রকাশ করে তাদের লেখনীতে। কিছু মুসলিম লেখকও তাদের এসব বক্তব্য কোনো ধরনের পর্যালোচনা ও যাচাই ছাড়াই নিজেদের কিতাবে সন্নিবেশিত করেছেন।

আল কুরআনের বিভিন্ন সূরায় বর্ণিত আদম (আ.)-এর ঘটনার ব্যাপারে আমরা যা জানতে পারি তা এই—

এক. আদম (আ.)-এর জন্য আল্লাহর নির্দেশ ছিল—নিষিদ্ধ বৃক্ষের ফল খাওয়া যাবে না। আর এ নির্দেশ হাওয়া (আ.)-এর জন্যও প্রযোজ্য ছিল। আল্লাহ তায়ালা বলেন—

وَقُلْنَا يَا آدَمُ اسْكُنْ أَنتَ وَزَوْجُكَ الْجَنَّةَ وَكُلَا مِنْهَا رَغَدًا حَيْثُ شِئْتُمَا وَلَا تَقْرَبَا هَذِهِ الشَّجَرَةَ فَتَكُونَا مِنَ الظَّالِمِينَ-

‘আমি বললাম, হে আদম! তুমি ও তোমার স্ত্রী জান্নাতে বসবাস করো এবং যেখানে যা ইচ্ছে খাও; কিন্তু এই গাছের নিকটেও যেয়ো না। গেলে তোমরা সীমালঙ্ঘনকারীদের মধ্যে शामिल হবে।’^{৫০}

দুই. কৌশলে ধোঁকা দিয়ে, মিথ্যা কসম করে উভয়কেই পথভ্রষ্ট করেছিল শয়তান। আল্লাহ তায়ালা বলেন—

فَأَزَلَّهُمَا الشَّيْطَانُ عَنْهَا فَأَخْرَجَهُمَا مِمَّا كَانَا فِيهِ-

‘কিন্তু শয়তান তা হতে তাদের পদস্থলন ঘটাল এবং তারা যেখানে ছিল সেখান হতে বহিষ্কার করল।’^{৫১}

সূরা আরাফে শয়তানের ধোঁকা ও প্রতারণার আরও বিস্তারিত বিবরণ রয়েছে। আল্লাহ তায়ালা বলেন—

فَوَسْوَسَ لَهُمَا الشَّيْطَانُ لِيُبْدِيَ لَهُمَا مَا وُورِيَ عَنْهُمَا مِنْ سَوْآتِهِمَا وَقَالَ مَا نَهَاكُمَا رَبُّكُمَا عَنْ هَذِهِ الشَّجَرَةِ إِلَّا أَنْ تَكُونَا مَلَكَتَيْنِ أَوْ تَكُونَا مِنَ الْخَالِدِينَ-

‘অতঃপর তাদের লজ্জাস্থান, যা তাদের কাছে গোপন রাখা হয়েছিল তা তাদের কাছে প্রকাশ করার জন্য শয়তান তাদের কুমন্ত্রণা দিলো এবং বলল, পাছে তোমরা উভয়ে ফেরেশতা হয়ে যাও কিংবা তোমরা স্থায়ীদের অন্তর্ভুক্ত হও। এজন্যই তোমাদের রব এ গাছ থেকে তোমাদের নিষেধ করেছেন।’

^{৫০} সূরা বাকারা : ৩৫

^{৫১} সূরা বাকারা : ৩৬

وَقَاسَسَهُمَا إِنِّي لَكُمَا لِنَاصِحِينَ-

সে শপথ করে তাদের বলল, আমি তোমাদের সত্যিকারের হিতাকাঙ্ক্ষী।

فَدَلَّهُمَا بِغُرُورٍ فَلَمَّا ذَاقَا الشَّجَرَةَ بَدَتْ لَهُمَا سَوْآتُهُمَا وَطَفِقَا يَخْصِفْنَ عَلَيْهُمَا مِنْ وَرَقِ الْجَنَّةِ
وَنَادَاهُمَا رَبُّهُمَا أَلَمْ أَنْهَكُمَا عَنْ تِلْكَ الشَّجَرَةِ وَأَقُلْتُ لَكُمَا إِنَّ الشَّيْطَانَ لَكُمَا عَدُوٌّ مُبِينٌ-

‘এভাবে সে তাদের ধোঁকা দিয়ে অধঃপতিত করল। যখন তারা গাছের ফলের স্বাদ নিল, তাদের গোপন স্থান পরস্পরের নিকট প্রকাশিত হয়ে গেল। আর তারা নিজেদের ঢাকতে লাগল জান্নাতের পাতা দিয়ে। তখন তাদের প্রতিপালক তাদের ডেকে বললেন, আমি কি তোমাদের এ গাছের কাছে যেতে নিষেধ করিনি আর বলিনি—শয়তান তোমাদের উভয়ের প্রকাশ্য দুষমন?’

قَالَا رَبَّنَا ظَلَمْنَا أَنْفُسَنَا وَإِنْ لَمْ تَغْفِرْ لَنَا وَتَرْحَمْنَا لَنَكُونَنَّ مِنَ الْخَاسِرِينَ-

তারা বলল, হে আমাদের প্রতিপালক! আমরা নিজেদের প্রতি অন্যায় করে ফেলেছি। যদি তুমি আমাদের ক্ষমা না করো, আর দয়া না করো, তাহলে আমরা অবশ্যই ক্ষতিগ্রস্তদের অন্তর্ভুক্ত হয়ে যাব।’^{৫২}

আর সূরা ত্বাহার ভাষ্যমতে, কৃত অপরাধের জন্য আদম (আ.)-ই প্রথম দায়ী। হাওয়া (আ.) নয়। এ কারণেই আল্লাহ তায়ালা সরাসরি আদমের নাম উল্লেখ করে তাকে সতর্ক করেছেন। আর হাওয়া (আ.)-এর প্রতি সতর্কবাণী উল্লেখ করেছেন ইঙ্গিতে। এ থেকে বোঝা যায়, নিষিদ্ধ বৃক্ষের ফল খাওয়ার পেছনে আদমের ভূমিকা যতটা ছিল, হাওয়া (আ.)-এর ততটা ছিল না। সম্ভবত আদমের অনুগত হওয়ার কারণেই কেবল তিনি ফল খেয়েছিলেন। আর ফল খাওয়ার সময়ও তিনি আদমের মতের বিরোধিতা করেছিলেন। আল্লাহ তায়ালা বলেন—

وَلَقَدْ عَهِدْنَا إِلَىٰ آدَمَ مِنْ قَبْلِ فَنَسَىٰ وَلَمْ نُجِدْ لَهُ عَزْمًا-

‘ইতঃপূর্বে আমি আদমের নিকট থেকে অঙ্গীকার গ্রহণ করেছিলাম, কিন্তু সে ভুলে গিয়েছিল। আমি তাঁকে দৃঢ়সংকল্প পাইনি।’

وَإِذْ قُلْنَا لِلْمَلَكَةِ اسْجُدُوا لِآدَمَ فَسَجَدُوا إِلَّا إِبْلِيسَ أَبَى-

‘স্মরণ করো, যখন আমি ফেরেশতাদের বলেছিলাম—তোমরা আদমকে সিজদা করো। তখন ইবলিস ছাড়া সবাই সিজদা করল, আর সে করল অমান্য।’

فَقُلْنَا يَا آدَمُ إِنَّ هَذَا عَدُوٌّ لَكَ وَلِزَوْجِكَ فَلَا يُخْرِجَنَّكَ مِنَ الْجَنَّةِ فَتَشْقَى-

‘আমি বললাম, হে আদম! এ হচ্ছে তোমার ও তোমার স্ত্রীর দুষমন। কাজেই সে যেন কিছুতেই তোমাদের জান্নাত থেকে বের করে না দেয়, তাহলে তোমরা দুর্দশায় পতিত হবে।’

إِنَّ لَكَ أَلَّا تَجُوعَ فِيهَا وَلَا تَعْرَىٰ - وَأَنَّكَ لَا تَظْمَأُ فِيهَا وَلَا تَصْحَىٰ-

‘তোমার জন্য এটাই থাকল—তুমি জান্নাতে ক্ষুধার্ত হবে না এবং নগ্নও না। সেখানে তুমি তৃষ্ণার্ত হবে না এবং রোদেও পুড়বে না।’

فَوَسْوَسَ إِلَيْهِ الشَّيْطَانُ قَالَ يَا آدَمُ هَلْ أَدُلُّكَ عَلَى شَجَرَةِ الْخُلْدِ وَمُلْكٍ لَّا يَبُلَىٰ-

কিন্তু শয়তান তাঁকে কুমন্ত্রণা দিলো। সে বলল, হে আদম! আমি কি তোমাকে জানিয়ে দেবো চিরস্থায়ী জীবনদায়ী গাছের কথা আর এমন রাজ্যের কথা, যা কোনোদিন ক্ষয় হবে না?

فَاَكَلَا مِنْهَا فَبَدَتْ لَهُمَا سَوَاتُهُمَا وَطِفَقَا يَخْصِفْنَ عَلَيْهِنَّ مِنْ وَرَقِ الْجَنَّةِ وَعَصَى آدَمُ رَبَّهُ فَغَوَى-

‘অতঃপর তারা দুজনে তা হতে ভক্ষণ করল। তখন তাদের সামনে তাদের লজ্জাস্থান খুলে গেল। আর তারা নিজেদের ঢাকতে লাগল জান্নাতি গাছের পাতা দিয়ে। আদম তাঁর প্রতিপালকের অবাধ্যতা করল। ফলে সে হয়ে গেল পথভ্রান্ত।’

ثُمَّ اجْتَبَاهُ رَبُّهُ فَتَابَ عَلَيْهِ وَهَدَىٰ-

এরপর তার পালনকর্তা তাঁকে বাছাই করলেন এবং তাঁর তাওবা কবুল করে তাঁকে পরিচালিত করলেন সঠিক পথে।^{৫৩}

তিন. কুরআনের সুস্পষ্ট ভাষ্য হলো, আল্লাহ তায়ালা আদম (আ.)-কে একটি গুরুত্বপূর্ণ কাজের জন্য সৃষ্টি করেছেন। আর কাজটিও সুনির্দিষ্ট করেছেন তাঁকে সৃষ্টির আগেই। এমনকি এ গুরুত্বপূর্ণ বিষয়টি তিনি ফেরেশতাদেরও অবহিত করেছেন। সূরা বাকারায় এ প্রসঙ্গে আল্লাহ তায়ালা বলেন—

وَ إِذْ قَالَ رَبُّكَ لِلْمَلٰٓئِكَةِ اِنِّیْ جَاعِلٌ فِی الْاَرْضِ خَلِیْفَةًۭۙ قَالُوْۤا اَتَجْعَلُ فِیْهَا مَنْ یُّفْسِدُ فِیْهَا وَ یَسْفِكُ الدِّمَآءَۙ وَ نَحْنُ نُسَبِّحُ بِحَمْدِكَ وَ نُقَدِّسُ لَكَۙ قَالَ اِنِّیْۤ اَعْلَمُ مَا لَا تَعْلَمُوْنَ-

‘স্মরণ করো, তোমার প্রতিপালক যখন ফেরেশতাদের বললেন, আমি জমিনে প্রতিনিধি সৃষ্টি করছি। তারা বলল, আপনি কি সেখানে এমন কাউকে সৃষ্টি করবেন, যে অশান্তি সৃষ্টি করবে ও রক্তপাত ঘটাবে? আমরাই তো আপনার প্রশংসামূলক তাসবিহ পাঠ ও পবিত্রতা ঘোষণা করি। তিনি বললেন, আমি যা জানি, তোমরা তা জানো না।

وَ عَلَّمَ آدَمَ الْاَسْمَآءَ كُلَّهَا ثُمَّ عَرَضَهُمْ عَلَى الْمَلٰٓئِكَةِ فَقَالَ اَنْبِئُوْنِیْ بِاَسْمَآءِ هٰۤؤُلَآءِۙ اِنْ كُنْتُمْ صٰدِقِیْنَ-

আর তিনি আদম (আ.)-কে যাবতীয় নাম শিক্ষা দিলেন। তারপর সেগুলো ফেরেশতাদের সামনে উপস্থাপন করে বললেন, এগুলোর নাম আমাকে বলে দাও—যদি তোমরা সত্যবাদী হও।

قَالُوا سُبْحَنَكَ لَا عِلْمَ لَنَا إِلَّا مَا عَلَّمْتَنَا إِنَّكَ أَنْتَ الْعَلِيمُ الْحَكِيمُ-

তারা বলল, আপনি পবিত্র ও মহান। আপনি আমাদের যা শিক্ষা দিয়েছেন তা ছাড়া আমাদের কোনো জ্ঞান নেই। নিশ্চয় আপনি সর্বজ্ঞ ও প্রজ্ঞাময়।

قَالَ يَا آدَمُ أَنْبِئْهُمْ بِأَسْمَائِهِمْ ۖ فَلَمَّا أَنْبَأَهُمْ بِأَسْمَائِهِمْ ۖ قَالَ أَلَمْ أَقُلْ لَكُمْ إِنِّي أَعْلَمُ غَيْبِ السَّمَوَاتِ وَالْأَرْضِ ۖ وَأَعْلَمُ مَا تُبْدُونَ وَمَا كُنْتُمْ تَكْتُمُونَ-

তিনি নির্দেশ করলেন, হে আদম! এ জিনিসগুলোর নাম তাদের জানিয়ে দাও। যখন সে এ সকল নাম তাদের জানিয়ে দিলো, তিনি বললেন, আমি কি তোমাদের বলিনি—নভোমণ্ডল ও ভূমণ্ডলের অদৃশ্য বস্তু সম্পর্কে আমি নিশ্চিতভাবে অবহিত। আর তোমরা যা প্রকাশ করো ও গোপন করো, আমি অবগত তাও।^{৫৪}

সহিহ হাদিসে বর্ণিত, আলিমুল গাইবে একবার আদম (আ.)-এর সাথে মুসা (আ.)-এর সাক্ষাৎ হলো। এ সময় মুসা (আ.) নিষিদ্ধ বৃক্ষের ফল খেয়ে মানবজাতিকে কষ্টে ফেলে দেওয়ার জন্য আদম (আ.)-কে দায়ী করলেন। কিন্তু আদম (আ.) দলিল-প্রমাণের মাধ্যমে তাঁকে বোঝালেন—নিষিদ্ধ বৃক্ষের ফল খাওয়াটা ছিল এমন এক তাকদির, যা আল্লাহ তায়ালা তাঁকে সৃষ্টির আগেই নির্ধারণ করে রেখেছিলেন। আর তাইতো মুসা (আ.) এ ঘটনা লিখিত পেয়েছিলেন তাওরাতের। অথচ তাওরাত লেখা হয়েছিল আদম (আ.)-কে সৃষ্টির বহু আগে।^{৫৫}

এ হাদিস থেকে আমরা দুটি জিনিস জানতে পারি।

ক. মুসা (আ.) নিষিদ্ধ বৃক্ষের ফল খাওয়ার জন্য আদম (আ.)-কে দায়ী করেছিলেন। হাওয়া (আ.)-কে নয়। এ থেকে বোঝা যায়, আধুনিক তাওরাতের নিষিদ্ধ বৃক্ষের ফল খাওয়ার ঘটনায় হাওয়া (আ.)-কে দায়ী করার বর্ণনা বিশুদ্ধ নয়। তা বরং একটি বিকৃত ও অশুদ্ধ বর্ণনা।

খ. আদম ও তাঁর সন্তানাদিকে পৃথিবীতে পাঠানোর বিষয়টি পূর্বে নির্ধারিত তাকদির, যা কলম পূর্বেই লিখে রেখেছিল উম্মুল কিতাবে। অতএব, নিষিদ্ধ বৃক্ষের ফল খাওয়ার বিষয়টি আল্লাহর ইচ্ছানুযায়ীই হয়েছিল, যাতে তিনি তাকে প্রতিনিধি হিসেবে দুনিয়ায় পাঠাতে পারেন।

চার. আদম (আ.)-কে যে জন্মতে থাকতে দেওয়া হয়েছিল, নির্দিষ্ট একটি গাছ ছাড়া সকল গাছের ফলমূল খাওয়ার অনুমতি দেওয়া হয়েছিল। আর আল্লাহর অবাধ্যতার পর সেখান থেকে তাকে নামিয়ে দেওয়া হয়েছিল। প্রশ্ন হলো এটা কি ওই জন্মাত, যার প্রতিশ্রুতি মুমিনদের দেওয়া হয়েছে? যেখানে রয়েছে অনাবীল সুখ ও আনন্দ-আস্বাদ, যা কোনো চোখ কোনোদিন দেখেনি, কোনো কান কখনো শোনেনি, কোনো হৃদয় কখনো কল্পনাও করেনি।

^{৫৪} সূরা বাকারা : ৩০-৩৩

^{৫৫} সহিহ বুখারি : ৩৪০৯; সহিহ মুসলিম : ২৬৫২

এ নিয়ে আলিমগণের মাঝে মতবিরোধ রয়েছে। অনেকের মতে, আদম (আ.)-এর জান্নাত আর আখিরাতে মুমিনদের জন্য প্রতিশ্রুত জান্নাত একই। আবার কারও মতে, আদম (আ.)-এর জান্নাতটি ছিল দুনিয়ার জান্নাত। যেমন, সূরা কলামে আল্লাহ বলেছেন—

إِنَّا بَلَوْنَهُمْ كَمَا بَلَوْنَا أَصْحَابَ الْجَنَّةِ-

‘আমি তাদের পরীক্ষা করেছি, যেমন আমি পরীক্ষা করেছিলাম জান্নাত (বাগান) মালিকদের।’^{৫৬}

সূরা কাহাফেও আল্লাহ তায়ালা বলেছেন—

وَاضْرِبْ لَهُم مَّثَلًا رَّجُلَيْنِ جَعَلْنَا لِأَحَدِهِمَا جَنَّتَيْنِ مِنْ أَعْنَابٍ وَحَفَفْنَاهُمَا بِنَخْلٍ وَجَعَلْنَا بَيْنَهُمَا زُرْعًا. كِلْتَا الْجَنَّتَيْنِ آتَتْ أُكْلهَا وَلَمْ تَظْلِمْ مِنْهُ شَيْئًا وَفَجَّرْنَا خِلْفَهُمَا نَهْرًا-

‘তুমি তাদের কাছে দুই ব্যক্তির দৃষ্টান্ত বর্ণনা করো। যাদের একজনকে আমি দিয়েছিলাম দুটি আঙুরের জান্নাত (বাগান)। আর ওগুলোকে খেজুরগাছ দিয়ে ঘিরে দিয়েছিলাম এবং ওই দুটির মাঝে দিয়েছিলাম শস্যখেত। দুটি জান্নাতই (বাগানই) ফল দিত। এতে এতটুকু ত্রুটি করত না। এ দুয়ের মাঝে আমি ঝরনাধারা প্রবাহিত করেছিলাম।’^{৫৭}

প্রসিদ্ধ মুহাক্কিক ও গবেষক ইবনুল কাইয়িম এ দুটো মত উল্লেখ করেছেন। দুটি মতের পক্ষেই রয়েছে বিস্তারিত দলিল-প্রমাণ। কারও এ বিষয়ে বিস্তারিত জানার আগ্রহ থাকলে তিনি *মিফতাহ দারিস সাআদা* গ্রন্থটি অধ্যয়ন করতে পারেন।

^{৫৬} সূরা কলাম : ১৭

^{৫৭} সূরা কাহাফ : ৩২-৩৩